

廿一史彈詞注

一
八
冊



明史彈詞註

明史彈詞卷之下

肅皇帝弟承兄龍飛嘉靖

憲宗長子孝宗次興獻王祐杭國安陸府生帝於興
邸時年十五武宗無子遺詔曰朕負先帝付託儲嗣
未建皇考親弟興獻王長子厚熹賢明仁孝倫序當
立即日遣官迎取來京嗣皇帝位於是遣梁儲等奉
金符至安陸帝入京即位改元嘉靖是為世宗肅皇
帝有天台起復知縣潘淵進嘉靖龍飛頌內外六十
四圍五百段一萬二千章效蘇蕙織錦迴文體又有
請建世室監生汪淵擢上林苑右監丞進世廟頌京
師人語曰兩淵有兩口戶闕大
如斗笑殺張羅峰引出一羣狗

崇祀禮主濮議嗣統紛爭

帝即位後即命禮官集議崇祀興獻王典禮禮部尚
書毛澄請於大學士楊廷和廷和出漢定陶王宋牼
王事授之曰此篇為據澄會公卿六十餘人上議漢
成帝立定陶王為嗣以楚王孫後定陶今上宜以益

王子崇仁王後興國其崇號則襲宋英故事以孝宗
為考稱興獻王為叔帝曰父母可互易若是耶其更
議廷和等復上言程頤濮議最為得禮不聽觀政進
士張璪上大禮疏曰時議欲考孝宗而叔興獻王者
拘定陶濮王陳迹耳漢哀宋英預立為嗣育之宮中
是明為人後也今遺詔迎上入繼大統倫序當立非
為孝宗後也况興獻王惟生皇上一人謂皇上為繼
統武宗而得尊崇其親則可謂繼嗣孝宗以自絕其
親則不可今惟別立興獻王廟隆以帝禮母以子貴
尊與父同帝喜曰此論出吾父子獲全矣帝遣司禮
監持疏送內閣廷和曰書生焉知國體復持入帝手
敕曰朕罔極無報今尊父為興獻皇帝母興獻皇后
廷和封還手敕於是科道疏論璪建議之偏乞將璪
戒論不聽璪乃復為或問一帙辨析統嗣之具賁至
左順門上之是時前後章奏惟張璪霍韜熊浹桂萼
席書方獻夫議同其他八十餘疏二百五十餘人皆
如部議張璪字秉用以名與御諱同音賜
名孚敬永嘉人霍韜字渭崖謚文敏南海人

考獻帝皇獻帝疑絕孝後

不稱宗不入廟不悖尊親

楊廷和見勢不得已乃草敕稱皇太后懿旨本生父
興獻王稱興獻帝母稱興獻后帝從之尋以婚禮將
行興獻帝后宜加與皇號廷和及禮部科道皆上言
加稱非是會清寧宮小室災廷和言火迫清寧後殿
豈興獻帝后加稱禋靈或有未協帝心動乃從廷和
議稱孝宗為皇考興獻帝后為本生父母而皇字不
加矣都御史席書具疏謂宜定號皇考興獻帝別立
廟於大內每祭太廟畢仍祭以天子禮則尊尊親親
並行不悖吏部員外方獻夫亦疏言陛下之繼二宗
當繼統而不繼嗣興獻之具羣廟在稱帝而不稱宗
興獻得稱帝者以陛下為天子也不得稱宗者以實
未嘗在位也宜稱孝宗為皇伯稱興獻曰皇考別立
廟祀之二疏中沮未果上南京刑部主事桂萼上言
大禮並獻席書獻夫議草疏與席方同帝曰此關係
天理綱常於是廷和罷科道張璉等六十三人力爭
俱奪俸乃奉興獻帝為本生皇考恭穆獻皇帝母為
本生母章聖皇太后降中旨以書為禮部尚書復以
萼璉為翰林學士獻夫為侍讀學士谷應泰曰考興
獻疑於無孝宗皇興獻疑於躋武宗憑几彌留奉還
人繼不能得世宗而延其嗣反名興獻而亂其統此
舉朝所以沸騰也不知太廟者承統之地皇而不廟
者有異稱宗者繼統之名皇而不宗者亦殊不入廟

則地不偏不稱宗則名不嫌曲體罔極之私情無礙
朝廷之大統乃世宗尊為天子必欲使之不王其父
與獻為天子父必欲與之共臣其子此則議禮諸臣
之過也 席書字文同遂寧人謚文襄獻夫字叔賢
南海人謚文襄桂萼謚
文襄字子實安仁人

哭震闕爭本生怒興大獄

時稱孝宗為皇考與獻帝為本生皇考大禮已定
萼復上疏極論兩考之非且曰本生二字出禮官之
陰術皇上不察以為親親之辭不知禮官正以此為
外之之辭也疏入議禮諸臣與璵萼攻擊如讎帝切
責之或罷或逮下獄帝采璵議屢遣司禮監至闕諭
毛紀等去冊文本生字紀力言不可帝召紀責之曰
此禮當速改爾輩無君欲使朕無父乎紀惶怖退侍
郎何孟春與尚書秦金學士豐熙及翰林臺諫諸臣
各上言力爭本生二字不宜削章十三上俱留中金
獻民倡言必改孝宗為伯考矣孟春曰憲宗時尚書
姚夔率百官伏哭文華門爭惹懿太后葬禮憲宗從
之此國朝故事也修撰楊慎曰國家養士百五十年
仗節死義正在今日王元正等遂遮留羣臣於金水
橋南曰萬世瞻仰在此一舉今日有不力爭者共擊

之孟春復相號名於是凡二百二十餘人疏伏左順門大呼高皇帝孝宗皇帝帝聞之使司禮監諭退不從自辰至午帝怒命司禮監錄諸姓名收繫諸為首者豐熙張翀等八人於獄慎元正乃撼門大哭一時羣臣皆哭聲震闕帝大怒命逮繫馬理等一百三十四人於獄孟春等二十一人洪伊等六十五人姑令待罪於是武定侯郭鄭會同璵書萼獻夫仇鸞等六十四人上言孝宗伯也宜稱皇伯獻皇帝別立廟乃詔諭天下敬皇帝曰皇伯考獻皇帝曰皇考毛紀字子維液縣人孟春字子元柳州人姚夔字大章桐廬人

悉追繫齊考訊二百餘人

初逮繫時有奔匿者至是悉追繫之併待罪者總二百二十人帝命拷訊豐熙等八人編伍四品以上者奪俸五品以下者杖之於是編修王相等一百八十餘人各杖有差王相等十有九人俱先後病創卒

奪官勅指罪魁滇南永錮

追奪議禮諸臣官敕曰大學士楊廷和謬主濮議尚書毛澄不能執經據禮孟春等鼓舞朝臣伏闕喧呼

朕姑從輕處廷和為罪之魁以定策國老自居門生
天子視朕法當僂市特有削籍毛澄等奪其生前當
職蔣冕等奪職閒居孟春發原籍為民其已正法典
或編戍為民者不問楊慎廷和子也初逮繫下獄復
撲之謫戍雲南永遠不宥慎竟死戍所毛澄字憲
清號白齋崑山人謚文簡蔣冕全川人楊慎字用修
號升菴
成都人

信三奸偏喜怒翻案張寅

時彗星見東井東北行埽太微垣編修楊名上修省
疏言吏部尚書汪鉉小人尤郭鄖奸回之性而陛
下用之是偏於喜也言官終於廢棄是偏於怒也帝
怒收繫械訊鉉疏言名與楊廷和同里思為報復帝
益怒命究主使瀕死無所指乃戍邊御史馮恩復疏
曰張孚敬之奸久露汪鉉方獻夫之奸不測臣謂孚
敬根本之彗也鉉心腹之彗也獻夫門庭之彗也乞
斬三奸以應更新之象帝怒速即訊鉉欲殺恩孚敬
令長繫之及朝審鉉判曰情真應決都御史王邦相
曰不可作俑殺言官帝聞此語停刑予行可刺血書
疏自縛闕下通政陳經引奏帝曰忠孝乃出一家減
死戍雷州先是山西妖人李福達更名李五倡彌力

佛敎煽縣民邵進祿作亂進祿被擒供福建首謀楊
達易姓名曰張寅挾重貲入京竄入匠籍輸粟為太
原衛指揮詭能燒煉丹藥出入郭勛家其仇薛良首
發繫獄証之者李景全等二十人代州知州杜蕙具
獄上布政李璋按察徐文華巡按張英皆如訊惟巡
撫畢昭謂張寅非福達反其獄未竟而昭去御史馬
錄至復窮治之勛貽書囑免錄不從上之法司於是
都御史聶賢等劾勛通賊行囑宜並坐勛具服謝罪
而以議禮觸眾怒為言帝令逮來京審問刑部尚書
顏頤壽於午門會訊良與景全共指福達即寅寅語
塞頤壽奏聞帝怒其偏徇命覆勘頤壽懼指為疑獄
帝大怒逮馬錄下鎮撫司掠治並逮頤壽下獄命璉
萼獻夫署三法司雜治之萼等搜錄篋中有大學士
賈誼御史張英都御史張仲賢寺丞汪淵侍郎閔楷
及勛各私書詠別有囑英等頗及福達而勛專屬焉
璉等言寅為仇良所誣宜反坐錄欲陷勛乃指寅為
福達所在問官阿意遂成大獄請罪各犯如律有旨
良誣告論死李璋徐文華阿附巡撫殺人媚人給事
劉琦等挾私彈劾俱戍邊給事王科等六人扶同妄
奏俱為民願壽及侍郎劉玉等都御史江潮大理卿
湯沐寺丞王淵等推勘不實太僕卿江元錫光祿卿
余才逞忿橫議並孟春閔楷仲賢等交通私書各革

職知州杜蕙勘問畢昭張寅俱免罪還職馬錄故入
人死罪未決充軍其陸績逮至給事常泰等戍邊寺
副杜鸞等為民御
史張英等俱閒住

豐嚴出拾唾餘配天祔廟

皇考獻皇帝先舉時祀不祀太廟揚州府同知致仕
豐坊上言孝莫大於嚴父嚴父莫大於配天宜建明
堂尊皇考為宗以配上帝下禮部議尚書嚴嵩上言
秋祀明堂以父配之漢唐宋皆然司馬光程朱諸賢
所論主祖宗之功德今以功德則未有帝宗而不祔太廟
宜配獻皇至於稱宗之議則未有帝宗而不祔太廟
者帝曰皇考稱宗不為過情嵩乃上言皇考侑饗允
合周道戶部侍郎唐胄疏爭之曰三代之禮莫備於
周郊祀后稷以配天宗祀文王於明堂以配帝未聞
成王以嚴父之故廢文王配天之祭移於武王也疏
入帝大怒下胄錦衣獄出為民谷應
泰曰議禮創自張桂嵩晚拾唾餘耳

稱睿宗改成祖九廟旋焚

帝因嚴嵩請又諭嵩曰太宗靖難功與開創同宜稱
祖以別之嵩遂上議曰宋真宗詔議大廟禮學士宋

湜議以太祖太宗合祭同位皇考親孝宗弟宜奉皇
考於孝宗之廟又曰漢世稱祖者二高祖世祖光武
再造漢室故無二祖之嫌我文皇定鼎功莫大焉尊
稱為祖聖見允宜於是奉太宗為成祖獻皇帝為睿
宗祔皇考於太廟享上帝於元極殿奉睿宗配享未
幾大雷雹以風忽震火起仁廟烈風噓之須臾燬其
主延及成祖主亦燬遂及太廟
昭穆九廟俱災惟獻廟獨存

因禮定思更制纂修祀典

初帝諭修典禮全書張璠纂要略二卷以進云唐有
開元禮宋有開寶禮所載皆儀文制度而已今宜如
通鑑凡例以年月日為綱事關大禮者必書備載聖
裁帝命付史館纂述七年明倫大典成九年大明集
禮書成帝方以大禮悲羣臣有慨然更定制作之思
會給事中夏言請更郊祀引程朱之論以駁洪武時
合祀之不經疏入帝大悅賜言四品服織幣以旌其
忠爰命廷臣集議郊祀典禮九年議孔子禮十年享
太廟議祧禮二月祈穀議禘行朝日禮建土穀先蠶
壇八月行夕月禮後又議明堂秋享禮至十五年纂
修祀典成自天地日月神祇帝王社稷及禘祫先師
先農悉分為類成書首冠祀壇圖制及宸諭詩詞中

書禮儀禮器樂舞樂章末附諸王表箋羣王疏賀侍
讀學士廖道南撰裡頌九章以獻 道南字鳴岐蒲

人圻

張懋恭議孔祀見駁文貞

帝改張璠名孚敬字懋恭御書賜之孚敬奏孔子祀
典有當正者謚號章服籩豆樂舞配享從祀數事欲
革王號易木主損其八佾十二籩豆之禮下儒臣議
編修徐階上言王祀孔子已久一旦不王衆以為奪
孔子王爵易惑難曉且衮冕章服顯然王度苟去王
號勢必撤毀臣聞愛人者杖履猶加珍惜况遺像乎
國家廟祀孔子樂舞籩豆與天子同今將復司寇之
舊彛宮殺樂恐妨太祖初制帝不懌出階延平府推
官

瑣按

首揆孚敬議孔祀儒臣亡敢異同

徐階獨條其三不必五不可疏上孚敬坐朝堂召階
至盛氣詰之階徐理前說且曰高帝盡革岳瀆號而
何獨不革孔子孚敬遜曰高帝少時作何可據階曰
明公議四郊何以力據高帝少時作孚敬頰盡赤曰
爾為塑像應古禮否階曰塑像非古然既已肖而

之何忍毀也乎敬曰程氏云一毫髮不似吾親可以
親名之乎階曰有一毫髮而似吾親毀之可乎且列
聖御容能必無毫髮不似乎哉即何以處之乎敬語
塞怒曰若叛我階正色曰叛者生於附者也階故未
嘗附公何得言叛長揖出於是斥階延平較明紀諸
書於階疏外更多此一番辨駁故并錄之階後謚文
貞

易題主更從祀公侯罷爵

孚敬復為孔子祀典或問上之帝嘉焉於是改大成
至聖文宣王為至聖先師孔子其配享四子仍稱復
聖宗聖述聖亞聖從祀弟子稱先賢左邱明以下稱
先儒俱罷公侯伯爵撤像題主祀之申張申黨二人
存棖去黨罷公伯寮秦冉顏何荀况戴聖劉向賈逵
馬融何休王肅王弼杜預吳澄十三人林放蘧瑗鄭
元虛植鄭眾服虔范甯祀於其鄉進后蒼王通胡瑗
歐陽修陸九淵從祀別祀啓聖公叔梁紇以顏無由
曾點孔鯉孟孫氏程珦朱松蔡元定從祀改大成殿
為先師廟秦冉孔子弟子荀况即荀卿趙人撰荀
子二十卷戴聖號小戴乃德兄子也德號大戴有二
戴禮行於世聖以博士論石渠至九江太守劉向字

子政著有五行傳論列女傳新亭說苑等書賈逵通
五經尤明左氏傳為之解詁五十一篇馬融字季長
茂陵人教養諸生千數常坐高堂施絳紗帳前授生
徒後列女樂著春秋三傳異同說註孝經論語詩易
三禮尚書列女傳老子淮南子離騷何休字邵公任
城人精研六經著公羊墨守左氏膏肓穀梁廢疾除
北新城太守王肅字子雍為尚書詩論語三禮左氏
解及撰定易傳皆列於學宮又作周易春秋例毛詩
禮記春秋三傳國語爾雅諸註王弼字嗣輔山陽人
杜預註見晉武帝句下吳澄註見元英宗寫經文句
下遽瑗即衛大夫伯玉鄭元字康成北海人註周易
尚書毛詩儀禮禮記論語孝經尚書大全又著天文
七政論毛詩譜駁許慎五經異義凡百餘萬言又因
何休好公羊學乃發墨守鍼膏肓起廢疾休見而歎
曰康成入吾室操吾戈以伐我乎盧植字子幹涿郡
人官尚書時立太學正五經文字植上書論之為世
儒宗鄭眾字仲師從父興受左氏春秋仕至大司農
受詔作春秋刪十九篇王肅等為之註然其間又取
公羊穀梁以釋左氏服虔字子慎滎陽人善春秋范
甯字武子陳留人官豫章太守為春秋穀梁集解后
蒼字近君東海鄒人從孟卿受禮在曲臺校書因說
禮數萬言號曰后氏曲臺記大小戴禮皆傳后氏之

學也王通字仲淹龍門人居河汾教授著有禮論十卷續書二十九卷續詩十卷元經十五卷讀易十卷又為中說以擬論語門人謚曰文中子胡瑗字翼之號安定先生歐陽修註見宋歐陽句下陸九淵註見本卷理學句下程珦明道先生父朱松文公父蔡元定字季通啓蒙一書係季通定藁稱西山先生賈逵字景伯扶風平陵人

崇道教廣齋醮勅建真人

太監崔文以禱祀誘帝乾清坤寧宮西天西番漢經諸馭五花宮西暖閣各建齋醮至連日夜建祈嗣醮於欽安殿以夏言充醮壇監禮使道士邵元節興安人召入京禱雪輒應命為致一真人領金籙醮事給玉金銀象印各一敕建真人府都城西落成命言作記刻之庭及皇嗣生錄元節禱祀功加授禮部尚書給一品服俸天師張彥頤入賀加封正一嗣教真人賜金冠玉帶蟒衣銀幣遂留京邸命建金籙大齋於內皇壇白鶴繞壇卿雲捧日帝賞賚天師有加

龜鹿瑞靈芝瑞天桃仙藥

永和壬知燠獻白鹿告鹿瑞於太廟總督胡宗憲獻
白鹿再帝曰一歲二瑞天眷也告謝元極殿太廟又
獻白龜二帝悅賜金帛彩衣謝元告廟未幾白龜亡
帝曰天降靈物朕固疑處塵寰不久也禮部進四方
獻靈芝千八百六十四方王金進五色龜芝帝夜
坐御幄忽獲一桃左右云空中墮帝喜曰天賜也修
迎恩典五日明日桃復降其夜白兔生二子帝益喜
頃之壽鹿亦生二子羣臣表賀帝以奇祥三錫天眷
非常手詔答之後御几及褥
各得藥丸一謝太極殿告廟

陶仲文三孤爵求訪長生

方士陶典真一名仲文黃岡人少爲縣掾喜神仙方
術嘗授符術於羅田萬玉山邵元節微時亦往來仲
文家後元節貴幸欲歸會宮中黑青見元節治之無
驗遂薦仲文試之宮中稍能絕妖帝寵異之宦駕南
巡至衛輝白晝有旋風繞駕仲文曰當火穰之亦不
免可謹護聖躬耳是夜行宮果災帝得陸炳負出明
日敕授仲文神霄保國宣教高士尋進忠孝秉一真
人又加少保禮部尚書又加少傅食一品俸後以人
同獲叛人王三帝曰叛惡就擒實神鬼有以默戮之
加仲文少師餘如故前此大臣無兼總三孤如仲文

者後又加封恭誠伯特進先祿大夫柱國賜諡歲祿千二百石賜坐稱為師及仲文死帝分遣御史王六任姜儼奚鳳等往天下訪求仙術異人及符篆秘方後遺詔云朕祇緣多病過求長生

歸旋召張文忠十年恩遇

張桂在內閣言事相左出惡語科臣陸粲等劾璉等類恣不法帝下敕暴其罪狀曰璉狠愎自用負國負民夢尤而效之當置典刑特從寬宥璉還家怡悟以需後用璉致仕霍韜疏列大學士楊一清二十四罪為璉夢訟冤帝罷一清立召璉後行人薛侃請示室留一人司香帝怒究主使太常卿彭澤以議禮與璉結驩詹事夏言數與璉忤澤微詞挑侃使引言侃曰張少傅趣我上者與言何帝釋言出璉二密疏示羣臣斥其伎罔著致仕旋遣行人召還後孚敬以疾乞休帝遣中使賫藥送歸及卒帝親按謚法以危身奉上謚文忠在閣十年雖嚴旨屢下而恩遇無比嘗以少師羅峰呼之孚敬為舉子時聚徒教授於羅峰書院因別號羅峰帝手札下孚敬輒稱元輔羅峰最後呼以羅山又更號羅山

相嚴嵩贊元功廿載奸臣

嘉靖二十一年以禮部尚書嚴嵩為武英殿大學士
谷應泰曰嚴嵩相世宗盤踞津要盜竊寵靈凡二十
餘歲考嵩贖貨嗜利帝號英睿竟稱魚水嵩遵何道
哉惟佑贊元功帝心感嵩也又曰世宗清虛學道奸
嵩擅權如二世居深宮而趙高柄國微宗稱道君而
蔡京專政後鄒應龍劾嵩帝曰朕以嵩贊元壽君故
特優眷及嵩歸帝每思
嵩贊元功意忽忽不樂

任納賄劾貪污寵優銀記

交城王絕輔國將軍表相謀襲嵩受賄請旨選卒獲
其籍以聞胥吏受賂者皆戍邊嵩無恙共和王庶子
惟憶與嫡孫懷燿爭立嵩亦受賄覆允王妃擊登聞
鼓奏訴御史葉經劾嵩貪狀帝曰襲爵應否行所司
勘之嵩安意任事勿以人言介意給事沈良材童漢
臣等復劾嵩奸污南京科道王懌陳紹等論嵩父子
同惡相濟開通苞苴動以千百計嵩疏辨乞休帝優
詔百餘言慰留之賜嵩銀記曰忠勤敏達賜其家藏
璽書之樓曰瓊翰流輝奉
元之閣曰延恩堂曰忠弼

逐同鄉忌起復陰比謀傾